



Sgrinio Clyw Babanod Cymru
Newborn Hearing Screening Wales



GIG
CYMRU
NHS
WALES

Iechyd Cyhoeddus
Cymru
Public Health
Wales

Adroddiad Ystadegol Blynyddol Sgrinio Clyw Babanod Cymru 2020-21



Amdanom ni

Mae Iechyd Cyhoeddus Cymru yn bodoli i ddiogelu a gwella iechyd a lles a lleihau anghydraddoldebau iechyd i bobl yng Nghymru.

Rydym yn rhan o'r GIG ac yn adrodd i'r Gweinidog Iechyd a Gwasanaethau Cymdeithasol yn Llywodraeth Cymru.

Ein gweledigaeth yw sicrhau Cymru iachach, hapusach a thecach. Rydym yn gweithio yn lleol, yn genedlaethol, gyda'n partneriaid ac ar draws cymunedau yn y meysydd canlynol:

Diogelu iechyd — darparu gwybodaeth a chynghor a chymryd camau i ddiogelu pobl rhag clefyd trosglwyddadwy a pheryglon amgylcheddol

Gofal sylfaenol, cymunedol ac integredig — cryfhau effaith iechyd y cyhoedd drwy bolisi, comisiynu, cynllunio a darparu gwasanaethau

Microbioleg — darparu rhwydwaith o wasanaethau microbioleg sy'n cynorthwyo diagnosis o glefydau heintus a'u rheoli

Diogelu — darparu arbenigedd a chynghor strategol i helpu i ddiogelu plant ac oedolion agored i niwed

Sgrinio — darparu rhaglenni sgrinio sy'n cynorthwyo canfod clefydau'n gynnar, eu hatal a'u trin

Gwybodaeth iechyd — dadansoddi data iechyd y cyhoedd, dod o hyd i dystiolaeth a rheoli gwybodaeth

Gwella ansawdd a diogelwch cleifion y GIG — darparu gwybodaeth, cynghor a chymorth i'r GIG i wella canlyniadau cleifion

Polisi, ymchwil a datblygu rhyngwladol — dylanwadu ar bolisi, cynorthwyo ymchwil a chyfrannu at ddatblygu iechyd yn rhyngwladol

Gwella iechyd — gweithio ar draws asiantaethau a darparu gwasanaethau i'r boblogaeth er mwyn gwella iechyd a lleihau anghydraddoldebau iechyd

Rhagor o wybodaeth

Gwefan: icc.gig.cymru
E-bost: ymholiadau.cyffredinol@wales.nhs.uk
Twitter: [@IechydCyhoeddus](https://twitter.com/IechydCyhoeddus)
Facebook: facebook.com/iechydcyhoedduscymru

Adran Sgrinio Iechyd Cyhoeddus Cymru	Adroddiad Ystadegol Blynyddol Sgrinio Clyw Babanod Cymru 2020/21
--------------------------------------	--

Mae'r adroddiad hwn yn grynodeb manwl o wybodaeth am waith a wnaed gan Sgrinio Clyw Babanod Cymru ar gyfer y flwyddyn o fis Ebrill 2020 tan ddiwedd mis Mawrth 2021. Nodir y canlyniadau fesul Bwrdd Iechyd ac maent wedi'u dadansoddi i ddangos lleoliad yr ysbyty lle mae sgrinio neu asesu wedi'u cynnal mewn rhai achosion. Mae rhagor o fanylion ar gael ar gais.

Manylion Cyhoeddi:

Teitl: Adroddiad Ystadegol Blynyddol Sgrinio Clyw Babanod Cymru 2020-21

Dyddiad: Cyhoeddwyd yr adroddiad hwn ym mis Awst 2024

ISBN: 978-1-83766-452-8

I gael rhagor o wybodaeth am yr adroddiad hwn cysylltwch â:

Helen Clayton, Rheolwr Gwasanaethau Gwybodeg a Data,
Gwasanaethau Digidol, Llawr 6, Iechyd Cyhoeddus Cymru, Rhif 2 Cwr y
Ddinas, Stryd Tyndall, Caerdydd, CF10 4BZ
Ffôn: 029 2010 4405

E-bost: Screening.Information@wales.nhs.uk

Datganiad Sicrhau Ansawdd

Mae cofnodion sgrinio data yn cael eu diweddarau'n barhaus. Mae'r cronfeydd data a ddefnyddir gan Adran Sgrinio Iechyd Cyhoeddus Cymru yn cael eu diweddarau'n ddyddiol pan fydd cofnodion yn cael eu hychwanegu, eu newid neu eu dileu (archifo). Gallai hyn ymwneud â phan fydd unigolyn wedi'i nodi fel rhywun y mae angen gwasanaeth sgrinio arno; wedi cael canlyniadau sy'n rhaid eu cofnodi, neu â newid statws ac nad oes angen sgrinio arno mwyach yn y drefn honno. Derbynnir data o nifer fawr o ffynonellau gwahanol sy'n amrywio o ran cywirdeb a chyflawnder. Mae'r Adran Sgrinio yn gwirio data ar gyfer cywirdeb drwy gymharu setiau data – er enghraifft data practis meddyg teulu – ac yn cywiro'r data codio lle y bo'n bosibl. Dylid nodi y ceir oedi weithiau o ran casglu data – er enghraifft efallai na fydd person yn cofrestru gyda'i feddyg teulu ar unwaith. Felly bydd yr oedi hwn yn effeithio ar gyflawnder y data yn dibynnu ar amgylchiadau unigol. Yn ogystal, dylai'r darllenydd fod yn ymwybodol bod data yn cael eu diweddarau'n barhaus a gall fod mân ailaddasiadau yn y niferoedd a ddyfynnir yn y ddogfen hon o un flwyddyn i'r llall oherwydd adnewyddu data.

© 2024 Ymddiriedolaeth GIG Iechyd Cyhoeddus Cymru
Gellir atgynhyrchu deunydd yn y ddogfen hon heb ganiatâd ymlaen llaw ar yr amod y gwneir hynny'n gywir a heb ei ddefnyddio mewn cyd-destun camarweiniol.

Dylid cydnabod Ymddiriedolaeth GIG Iechyd Cyhoeddus Cymru.
Mae'r hawlfraint o ran y trefniant teipograffyddol, y dylunio a'r diwygio yn eiddo i Ymddiriedolaeth GIG Iechyd Cyhoeddus Cymru

Cynnwys

1	CYFLWYNIAD	6
1.1	'Negeseuon allweddol' i rieni	6
1.2	Cyflawni'r rhaglen.....	6
1.3	Llwybr sgrinio	7
1.4	Effaith COVID-19 ar NBHSW	8
2	PENAWDAU YSTADEGOL.....	10
3	DATA	11
3.1	Safonau	11
3.2	Cwmpas	14
3.3	Amseroldeb y profion	16
3.4	Presenoldeb mewn apwyntiadau sgrinio i fabanod iach	18
3.5	Babanod risg uchel sy'n cwblhau sgrinio	19
3.6	Canlyniadau Sgrinio	20
3.7	Atgyfeiriadau ar gyfer asesu	22
3.8	Presenoldeb mewn apwyntiadau asesu	23
3.9	Yr amser a gymerir i ddechrau a chwblhau asesiadau	24
3.10	Cadarnhau colli clyw	26
3.11	Gosod cymorth clyw	27
3.12	Deilliant, Sensitifrwydd, Penodoldeb a Gwerthoedd Rhagfynegol	28
4	DIFFINIADAU	29
5	TÎM CYNHYRCHU	30

Tablau a Graffiau

Tabl 1: Safonau perfformiad y rhaglen	11
Tabl 2: Cyfanswm nifer y genedigaethau byw yn ôl Bwrdd Iechyd, babanod cymwys ac addas, nifer a chyfran a gydsyniodd ac a brofwyd.....	14
Graff 1: Amseroldeb babanod iach sy'n cael eu prawf cyntaf yn yr ysbyty..	16
Graff 2: Amseroldeb babanod iach sy'n cael eu prawf cyntaf yn y gymuned	16
Graff 3: Babanod iach a gwblhaodd sgrinio o fewn pedair wythnos	17
Tabl 3.i: Presenoldeb babanod iach mewn apwyntiadau sgrinio Cymru gyfan	18
Tabl 3.ii: Presenoldeb babanod iach mewn apwyntiadau sgrinio fesul Bwrdd Iechyd	18
Graff 4: Babanod risg uchel sy'n cwblhau sgrinio	19
Tabl 4: Canlyniadau sgrinio ar gyfer babanod iach	20
Tabl 5: Canlyniadau sgrinio ar gyfer babanod risg uchel	21
Tabl 6: Atgyfeiriadau ar gyfer asesu	22
Tabl 7.i: Presenoldeb Cymru gyfan mewn apwyntiadau asesu (gan gynnwys clinig cymunedol ac ysbyty y tu allan i Gymru).....	23

Tabl 7.ii: Presenoldeb mewn apwyntiadau asesu yn ôl Bwrdd Iechyd	23
Tabl 8: Amser a gymerir i ddechrau asesiad.....	24
Tabl 9.i: Amser Cymru Gyfan a gymerwyd i gwblhau'r asesiad	25
Tabl 9.ii: Amser a gymerir i gwblhau asesiad fesul Ysbyty.....	25
Tabl 10: Nifer y babanod ag achosion a gadarnhawyd o golli clyw a anwyd rhwng 1 Ebrill 2020 a 31 Mawrth 2021 yn ôl Rhanbarth.....	26
Tabl 11: Oedran cadarnhau colli clyw	26
Tabl 12: Oedran pan osodwyd y cymorth clyw.....	27
Graff 5: Gosod cymorth clyw o fewn pedair wythnos i nodi colli clyw yn ôl Bwrdd Iechyd ar gyfer 2020 – 2021	28

1 Cyflwyniad

Dyma'r ail adroddiad ystadegol blynyddol ar bymtheg i'w gyhoeddi gan Sgrinio Clyw Babanod Cymru (NBHSW). Mae'r adroddiad hwn yn cynnwys data ar gyfer babanod a anwyd rhwng 1 Ebrill 2020 a 31 Mawrth 2021.

Caiff un neu ddau o fabanod o bob 1,000 eu geni â nam ar y clyw a all effeithio ar ddatblygiad eu lleferydd ac iaith. Lanswyd NBHSW yn 2003 ac mae'n ceisio nodi'r babanod hyn mor gynnar â phosibl, oherwydd bod tystiolaeth yn dangos bod cyflwyno rhaglen gymorth gynnar cyn chwe mis oed yn arwain at well canlyniadau o ran datblygiad lleferydd ac iaith.

1.1 'Negeseuon allweddol' i rieni

- Mae sgrinio clyw babanod yn nodi a oes gan eich babi nam ar y clyw a allai effeithio ar ei ddatblygiad lleferydd ac iaith heb gymorth cynnar

- Caiff pob baban a enir i fenywod sy'n byw yng Nghymru gynnig sgrinio

clyw babanod yn fuan ar ôl genedigaeth

- Caiff sgrinio ei gynnig naill ai pan fyddwch yn dal yn yr ysbyty ar ôl genedigaeth eich

babi, neu wythnos neu ddwy yn ddiweddarach, fel arfer mewn clinig lleol

- Mae babanod y bu angen gofal arbennig arnynt fel arfer yn cael eu sgrinio clyw cyn iddynt fynd adref

- Nid yw'r profion sgrinio yn brifo nac yn niweidio eich babi

- Nid yw sgrinio'n nodi'r holl golli clyw nac yn ei atal ar ddyddiad diweddarach

- Eich dewis chi yw sgrinio clyw eich baban. Bydd y sgriniwr clyw

babanod a'r daflen "Prawf Sgrinio Clyw eich Babi" yn rhoi rhagor o wybodaeth i chi.

1.2 Cyflawni'r rhaglen

Mae Adran Sgrinio Iechyd Cyhoeddus Cymru yn gyfrifol am reoli, cyflawni a sicrhau ansawdd y rhaglen Sgrinio Clyw Babanod. Mae'r rhaglen yn cael ei gweinyddu a'i chyflawni mewn tri Rhanbarth ledled Cymru ac mae'n cyflogi Cydlynwyr, Rheolwyr Sgrinio, Sgrinwyr a staff gweinyddol.

Mae Rhanbarth Gogledd Cymru yn cwmpasu Bwrdd Iechyd Prifysgol Betsi Cadwaladr. Mae Rhanbarth Canolbarth a Gorllewin Cymru yn cwmpasu Bwrdd Iechyd Prifysgol Bae Abertawe, Bwrdd Iechyd Prifysgol Hywel Dda, Bwrdd Iechyd Addysgu Powys ac Ysbyty Tywysoges Cymru. Mae Rhanbarth De-ddwyrain Cymru yn cwmpasu safleoedd Bwrdd Iechyd Prifysgol Aneurin Bevan, Bwrdd Iechyd Prifysgol Caerdydd a'r Fro a Bwrdd Iechyd Prifysgol Cwm Taf Morgannwg heblaw am Ysbyty Tywysoges Cymru. Mae sgrinio babanod ym Mhowys yn cael ei rannu ar draws y tri Rhanbarth gan ystyried agosrwydd daearyddol a'r defnydd mwyaf effeithiol o staff ac adnoddau. Darperir asesiad diagnostig a chymorth cynnar gan rwydwaith clinigol o awdiolegwyr ac arweinwyr meddygol (meddygon) ym mhob Bwrdd Iechyd.

1.3 Llwybr sgrinio

Caiff babanod sy'n gymwys ar gyfer eu sgrinio eu nodi ym mhob Bwrdd Iechyd gan hysbysiadau geni bydwagedd. Mae Sgrinwyr Clyw Babanod yn cynnig profion sgrinio i fabanod sydd yn yr ysbyty, ac mewn clinigau cymunedol lle na fu'n bosibl cynnal y prawf sgrinio yn yr ysbyty. Mae'r rhan fwyaf o fabanod mewn gofal dwys i'r newydd-anedig neu unedau gofal babanod arbennig yn cael eu sgrinio cyn cael eu rhyddhau.

Caiff babanod iach sy'n cael ymateb clir mewn un neu'r ddwy glust mewn prawf sgrinio eu rhyddhau o'r rhaglen. Caiff rhieni babanod iach ag ymateb clir mewn un glust gynnig y cyfle i wneud trefniadau ar gyfer prawf clyw pellach. Caiff y rhai nad ydynt yn dangos ymateb clir yn y ddwy glust ar ddiwedd y broses sgrinio eu hatgyfeirio i gael asesiad diagnostig.

Caiff babanod risg uchel sy'n cael ymateb clir yn y ddwy glust mewn prawf sgrinio, eu rhyddhau o'r rhaglen. Caiff y rhai nad ydynt yn dangos ymateb clir mewn un neu'r ddwy glust ar ddiwedd y broses sgrinio eu hatgyfeirio i gael asesiad diagnostig.

Caiff babanod sy'n colli neu nad ydynt yn cwblhau sgrinio neu asesu gynnig prawf clyw gan eu Bwrdd Iechyd lleol pan fyddant tua naw mis oed.

Caiff asesiadau diagnostig eu cynnal gan awdiolegwyr mewn Byrddau Iechyd. Os yw'n briodol, caiff cymhorthion clyw eu gosod ar fabanod y nodwyd bod ganddynt nam ar y clyw ac fe'u cynorthwyir gan dîm blynyddoedd cynnar amlddisgyblaethol. Mae'r tîm yn cynnwys meddyg arbenigol, athro/athrawes y byddar, awdiolegydd ac arbenigwr lleferydd ac iaith.

Mae rhagor o wybodaeth ar gael yn icc.gig.cymru/gwasanaethau-a-thimau/sgrinio/sgrinio-clyw-babanod-cymru/

1.4 Effaith COVID-19 ar NBHSW

Cafodd pandemig Covid-19 effaith sylweddol ar ddarparu gwasanaethau Sgrinio Clyw Babanod Cymru drwy gydol y cyfnod a gwmpesir gan yr adroddiad hwn.

Drwy gydol y pandemig cyfan, parhaodd Sgrinio Clyw Babanod i gael ei gyflwyno gan Sgrinwyr Clyw Babanod ledled Cymru ar y wardiau ôl-enedigol ac mewn Unedau Gofal Arbennig a Gofal Dwys Newydd-anedig gyda'r nod o gwblhau sgrinio clyw ar gyfer cynifer o fabanod â phosibl yn yr ysbyty. Roedd arferion gwaith yn destun newidiadau cyflym, sylweddol er mwyn sicrhau diogelwch babanod, rhieni a staff.

Fodd bynnag, nid yw pob babi yn gallu cwblhau ei sgrinio yn yr ysbyty (mae hyn yn cynnwys babanod sy'n cael eu rhyddhau y tu allan i'r oriau a gwmpesir gan y Tîm Sgrinio Babanod, y babanod hynny sy'n cael eu geni yn y cartref neu mewn ysbytai nad yw sgrinwyr wedi'u lleoli ynddynt a babanod mamau sy'n profi'n bositif ar gyfer Covid).

Yn unol â chyfarwydddebau Llywodraeth y DU a Llywodraeth Cymru, cafodd Clinigau Cymunedol NBHSW eu gohirio ar 18 Mawrth 2020 tan fis Gorffennaf-Awst 2020. Wrth ailddechrau'r clinig, ac ar gyfer gweddill y cyfnod a gwmpesir gan yr adroddiad hwn, parhaodd Clinigau Cymunedol ledled Cymru yn destun cadw pellter cymdeithasol a chyfyngiadau lleoliadau lleol a effeithiodd ar nifer yr apwyntiadau y gellid eu cynnig. Yn ogystal, nid oedd rhai lleoliadau a ddefnyddiwyd yn flaenorol i ddarparu clinigau NBHSW bellach ar gael i'r gwasanaeth eu defnyddio.

Mae manylion llawn y camau gweithredu a gymerwyd gan NBHSW mewn ymateb i bandemig Covid-19, gan gynnwys newidiadau i'r model gwasanaeth a chyfranogiad gwasanaethau Awdioleg mewn sgrinio i'w canfod yn yr adroddiad 'Newidiadau i Lwybr Sgrinio NBHSW yn ystod Covid 19', sydd ar gael gan NBHSW ar gais.

Cafodd babanod nad oedd modd cynnig sgrinio iddynt yn yr ysbyty, neu a oedd yn aros am brawf sgrinio cychwynnol yn y gymuned yn ystod y cyfnod cynnar pan oedd clinigau NBHSW wedi'u hoedi, eu hystyried yn gymwys i gael eu sgrinio ond cawsant eu cofnodi gan NBHSW â statws 'sgrinio wedi'i ohirio' a'u hatgyfeirio i gael Profion Ymddygiad wedi'u Targedu (TBT) mewn awdioleg. O fis Mai 2020, cafodd llawer o'r babanod hyn gynnig sgrinio gan wasanaethau awdioleg yn hytrach nag aros nes eu bod yn ddigon hen ar gyfer prawf TBT, er mwyn lleihau'r risg o ddiagnosis hwyr. Rhwng mis Mehefin a mis Awst 2020, cafodd cydweithwyr sgrinio o Raglen Sgrinio Ymlediadau Aortig Abdomenol Cymru eu hadleoli dros dro er mwyn darparu un cyfle sgrinio clyw; gan gynyddu capasiti profi NBHSW i gefnogi cwmplas y gwasanaeth. Ceir manylion yn yr adroddiad 'Rheoli babanod yr effeithir arnynt gan ohirio clinigau cymunedol NBHSW oherwydd Covid-19', sydd ar gael o NBHSW ar gais.

Cafodd babanod a oedd yn aros i gael sgrinio dilynol mewn Clinigau Cymunedol ar adeg cau clinigau eu hatgyfeirio i Awdioleg i gael asesiad diagnostig (ond roeddent yn gallu cael sgrinio AOAE arall mewn Awdioleg i ddechrau).

Er gwaethaf ymdrechion i sicrhau cymaint o gyfleoedd â phosibl i fabanod gwblhau sgrinio yn yr ysbyty, yn anochel bu effaith ar weithgarwch perfformiad sgrinio drwy gydol y pandemig, sydd wedi'i adlewyrchu yn yr Adroddiad Ystadegol Blynyddol hwn. Yn ddealladwy, mae amharodrzydd teuluoedd i fynd i glinigau NBHSW neu awdioleg ar gyfer naill ai cwblhau sgrinio neu ar gyfer asesiad diagnostig hefyd wedi effeithio ar berfformiad y rhaglen. Gellir gweld yr effaith hon drwy gydol 2020/21, gyda chyfnodau penodol o amser lle roedd lefelau trosglwyddo Covid-19 yn uchel yn dangos effaith nodedig.

Hoffai NBHSW gydnabod y gwasanaethau Awdioleg ledled Cymru a weithiodd yn ddiflino i sicrhau bod babanod nad oedd modd iddynt gael eu sgrinio yn yr ysbyty yn cael pob cyfle posibl i gael sgrinio clyw newyddenedigol, asesiad diagnostig a sefydlu amserol. Rydym yn ddiolchgar hefyd i'r sgrinwyr a gafodd eu hadleoli o Raglen Sgrinio Ymlediadau Aortig Abdomenol Cymru.

2 Penawdau ystadegol

Sgrinio

- Mae'r cyfraddau cwmpasu yn dangos bod sgrinio wedi cael ei gynnig i 93.2% o fabanod cymwys (26,306) gyda 92.2% o fabanod cymwys wedi'u profi (26,093) a phrin iawn oedd y rhieni a wrthododd y sgrinio. Ni chafodd y safonau gwasanaeth eu cyrraedd.
- Ledled Cymru, cafodd 75.9% o fabanod iach eu sgrinio o fewn saith diwrnod i'w genedigaeth sy'n cyrraedd y safon 70%.
- Cwblhaodd 93.8% o fabanod iach sgrinio o fewn pedair wythnos, gan gyrraedd y safon gwasanaeth.
- Cwblhaodd 99.9% o fabanod risg uchel y rhaglen sgrinio, gan gyrraedd y safon gwasanaeth.

Asesu

- Cafodd 1.6% o'r babanod a sgriniwyd eu hatgyfeirio am asesiad awdioleg, yn unol â safonau gwasanaeth.
- Cwblhaodd 94.5% o fabanod a atgyfeiriwyd am asesiad awdioleg y broses asesu o fewn tri mis, gan gyrraedd y safon gwasanaeth.
- Roedd yr amser a gymerwyd i ddechrau'r broses asesu o fewn yr amser a ddyrannwyd ar gyfer 95.3% o fabanod iach (o fewn pedair wythnos i'r prawf sgrinio terfynol) a 99.5% o fabanod risg uchel (o fewn wyth wythnos i'r prawf sgrinio terfynol), gyda'r ddau'n cyrraedd y safonau gwasanaeth.
- Roedd 97.2% o'r babanod a gafodd eu hatgyfeirio wedi mynd i gael asesiad, gan gyrraedd y safonau gwasanaeth.
- Aethpwyd i 78.5% o apwyntiadau asesu.
- Ni chafodd 2.8% o fabanod a atgyfeiriwyd i gael eu hasesu eu gweld yn sgil peidio â mynd i'r apwyntiad.

Canlyniadau

- Mewn babanod a anwyd rhwng 1 Ebrill 2020 a 31 Mawrth 2021, roedd nifer yr achosion o golli clyw parhaol a ddiagnoswyd sy'n fwy na 40 dBHL yn y ddwy glust oedd 1.5 fesul 1,000 o'r babanod hynny a sgriniwyd. Mae hyn ychydig yn uwch na nifer yr achosion a gofnodwyd ers dechrau'r rhaglen, sef 1.2 fesul 1,000.
- Yr oedran cymedrig cadarnhau colli clyw oedd 8.2 wythnos.
- Yr oedran cymedrig gosod cymorth clyw oedd 11.5 wythnos.
- derbyniodd 96.0% o fabanod gymhorthion clyw o fewn pedair wythnos i gadarnhau colli clyw.

3 Data

3.1 Safonau

Mae'r tabl hwn yn amlinellu'r safonau a osodwyd gan y rhaglen sgrinio i fonitro perfformiad.

Tabl 1: Safonau perfformiad y rhaglen

	Amcan	Meini Prawf	Safon Ofynnol	Gwerth Gwirio neddol	Bodlonwyd	Amrywiad o 2019/20
1	Sicrhau bod cynifer o fabanod â phosibl yn cael cynnig sgrinio	Canran y babanod cymwys sy'n cael cynnig sgrinio	>= 99% o'r holl fabanod	93.2%	Naddo	-5.5%
1b	I roi sicrwydd bod pob babi cymwys ac addas wedi cwblhau sgrinio	Canran y babanod cymwys ac addas sy'n cwblhau sgrinio (Cwmpas)	>=98% o fabanod cymwys ac addas	92.1%	Naddo	-5.1%
2b	Rhoi sicrwydd bod pob babi cymwys ac addas y rhoddir cynnig sgrinio iddo yn cael ei wneud a'i dderbyn yn cael canlyniad sgrinio wedi'i gwblhau	Canran y babanod cymwys ac addas y cynigir sgrinio iddynt sy'n cwblhau sgrinio (Canran y rhai a gafodd eu sgrinio)	>=98% o'r holl fabanod sy'n cael cynnig sgrinio	98.8%	Do	+0.3
3	Sgrinio'r rhan fwyaf o fabanod o fewn wythnos gyntaf eu hoes	Canran y babanod a gafodd y prawf sgrinio cyntaf o fewn wythnos gyntaf eu hoes	>=70% o'r babanod iach hynny a sgriniwyd	75.9%	Do	+0.7%
4	Sicrhau bod cynifer o fabanod â phosibl yn cwblhau'r rhaglen o fewn y cyfnodau amser a ddyrennir	Babanod iach - canran y babanod sy'n cwblhau'r rhaglen sgrinio o fewn pedair wythnos	>=90% o'r holl fabanod sy'n ymuno â'r rhaglen sgrinio	93.8%	Do	-4.0%
		Babanod risg uchel mewn Uned Gofal Arbennig Babanod > 48 awr - canran y babanod sy'n cwblhau'r rhaglen sgrinio	>=98% o'r holl fabanod risg uchel a ymunodd â'r rhaglen sgrinio	99.9%	Do	-0.1%
		Yr holl fabanod - canran y babanod sy'n cwblhau'r rhaglen sgrinio	>=99% o'r holl fabanod sy'n ymuno â'r rhaglen sgrinio	99.9%	Do	+0.1%

	Amcan	Meini Prawf	Safon Ofynnol	Gwerth Gwirioneddol	Bodlonwyd	Amrywiad o 2019/20
5	Lleihau nifer y babanod y mae angen ABR diagnostig arnynt y mae ganddynt glyw arferol	Y babanod hynny sy'n cael eu hatgyfeirio i gael ABR diagnostig â chlyw arferol	<3% o'r holl rai sy'n cwblhau asesiad ac y canfyddir bod ganddynt glyw arferol fel cyfran o'r holl fabanod a sgriniwyd	1.2%	Do	+0.5%
6	Dechrau'r weithdrefn asesu (ABR diagnostig) mewn achosion priodol o fewn yr amser a ddyrennir	Babanod iach a atgyfeiriwyd sy'n dechrau'r weithdrefn asesu (ABR Diagnostig) mewn achosion priodol o fewn pedair wythnos	>=90% o'r rhai a atgyfeiriwyd	95.3%	Do	-0.9%
		Babanod risg uchel a atgyfeiriwyd sy'n dechrau'r weithdrefn asesu (ABR Diagnostig) mewn achosion priodol o fewn wyth wythnos	>=90% o'r rhai a atgyfeiriwyd	99.5%	Do	+0.7
7	Cwblhau'r weithdrefn asesu o fewn yr amser a ddyrennir	Y babanod hynny sy'n cwblhau'r weithdrefn asesu o fewn tri mis (mewn achosion priodol)	>=85% o'r rhai y mae angen asesiad arnynt	94.5%	Do	+5.2%
8	Lleihau nifer y babanod nad ydynt yn cael eu sgrinio	Canran yr apwyntiadau sgrinio a gynigiwyd nad aethpwyd iddynt (babanod iach)	<=3% (yn cynnwys apwyntiadau nad aethpwyd iddynt yn unig)	1.8%	Do	-0.7%
9	Lleihau nifer y babanod nad ydynt yn cael eu sgrinio	Canran yr apwyntiadau sgrinio a gynigir a wrthodir (babanod iach)	< 1% o fabanod iach	0.5%	Do	+0.3%

	Amcan	Meini Prawf	Safon Ofynnol	Gwerth Gwirio neddol	Bodlonwyd	Amrywiad o 2019/20
10	Atgyfeirio nifer priodol o fabanod i gael eu hasesu	Canran y babanod a sgriniwyd a gafodd eu hatgyfeirio am asesiad	Rhwng 1-2%	1.6%	Do	+0.4
11	Lleihau nifer y babanod nad ydynt yn cael asesiad	Canran yr apwyntiadau asesu a gynigiwyd nad aethpwyd iddynt	< 10% (apwyntiad au nad aethpwyd iddynt yn unig)	7.3%	Do	-1.2%
12	Lleihau nifer y babanod nad ydynt yn cael asesiad	Canran y babanod sy'n cael eu hatgyfeirio am asesiad nad ydynt yn cael eu gweld	< 5%	2.8%	Do	-6.2%
13	Atgyfeirio nifer priodol o fabanod i gael sgrinio arall gan awdioleg (ymateb clir mewn un glust, babanod iach)	Canran y babanod a sgriniwyd sy'n cael eu hatgyfeirio	< 1%	0.5%	Do	-0.8%
16	Darparu gwybodaeth i hyrwyddo dewis hyddysg	Canran y mamau sy'n darparu ymatebion cadarnhaol ar is-raddfa wybodaeth arolwg defnyddwyr. Gall y meini prawf ar gyfer cynnwys yn yr arolwg gael eu dewis er mwyn cymharu profiadau teuluoedd	>90% ymatebion cadarnhaol gan famau sy'n cwblhau'r arolwg defnyddwyr	Data ddim ar gael. Cafodd arolygon defnyddwyr eu hoedi yn ystod pandemig Covid-19 i leihau'r risg o drosglwyddo'r haint o ffurflenni arolwg.		
17	Gwerthuso boddhad mamau ar y rhaglen sgrinio	Canran y mamau sy'n darparu ymatebion cadarnhaol ar is-raddfa boddhad cyffredinol arolwg defnyddwyr. Gall y meini prawf ar gyfer cynnwys yn yr arolwg gael eu dewis er mwyn cymharu profiadau teuluoedd	>= 95% o famau'n cwblhau holiadur arolwg defnyddwyr	Data ddim ar gael. Cafodd arolygon defnyddwyr eu hoedi yn ystod pandemig Covid-19 i leihau'r risg o drosglwyddo'r haint o ffurflenni arolwg.		

3.2 Cwmpas

Safon 1: $\geq 99\%$ o fabanod cymwys yn cael cynnig sgrinio

Tabl 2: Cyfanswm nifer y genedigaethau byw yn ôl Bwrdd Iechyd, babanod cymwys ac addas, nifer a chyfran a gydsyniodd ac a brofwyd

Bwrdd Iechyd	Genedi gaethau	Cymwys ac Addas	Cydsyniwyd a Phrofwyd	% Profwyd o'r Cymwys ac Addas	Cyfans wm a Gynigiw yd	% a Gynigwy d o'r Cymwys ac Addas
Bwrdd Iechyd Prifysgol Aneurin Bevan	5914	5725	5349	93.4%	5414	94.6%
Bwrdd Iechyd Prifysgol Betsi Cadwaladr	6490	6270	5778	92.2%	5797	92.5%
Bwrdd Iechyd Prifysgol Caerdydd a'r Fro	4931	4758	4497	94.5%	4581	96.3%
Bwrdd Iechyd Prifysgol Cwm Taf Morgannwg	4271	4159	3843	92.4%	3871	93.1%
Bwrdd Iechyd Prifysgol Hywel Dda	3217	3099	2812	90.7%	2839	91.6%
Bwrdd Iechyd Addysgu Powys	1114	1070	897	83.8%	903	84.4%
Bwrdd Iechyd Prifysgol Bae Abertawe	3332	3225	2917	90.4%	2978	92.3%
Cymru Gyfan	29269	28306	26093	92.2%	26383	93.2%

Cafodd y safon hon ei chyrraedd ym mhob rhanbarth o Gymru o fis Awst 2020 tan ddiwedd y cyfnod. Rhwng mis Ebrill a mis Mehefin 2020, gostyngodd y perfformiad o dan y safon ar draws yr holl ardaloedd bwrdd iechyd o ganlyniad uniongyrchol i'r tarfu a achoswyd gan bandemig Covid-19 fel y disgrifiwyd yn adran 1.4. Wrth i'r clinigau cymunedol a oedwyd ailddechrau'n raddol o fis Mehefin, gwellodd y cwmpas, gan adlewyrchu perfformiad cyn Covid a chyrraedd y safon ar gyfer bron pob ardal erbyn mis Gorffennaf 2020.

Cafodd yr oedi mewn darpariaeth clinig effaith anghymesur ar fabanod yn ardal Powys a ddangosir mewn ffigurau perfformiad. Gan gan yw Sgrinwyr NBHSW yn darparu sgrinio o ganolfannau geni a arweinir gan fydwragedd,


cafodd sgrinio NBHSW mewn ysbyty dim ond ei gynnig i fabanod Powys a anwyd mewn ysbytai cyffredinol dosbarth mewn ardaloedd bwrdd iechyd cyfagos yn ystod yr amser y cafodd gweithgaredd clinig ei oedi. Pan oedd yn ddiogel unwaith eto i gynnig apwyntiadau clinig yn y gymuned, roedd y capasiti yn parhau o dan lefelau cyn Covid oherwydd yr angen i fabwysiadu mesurau cadw pellter cymdeithasol ar gyfer gweithgarwch rheoli heintiau a'r oedi o ran dychwelyd at ddarpariaeth clinig ar rai safleoedd. Erbyn mis Rhagfyr 2020, roedd y safon gwasanaeth yn cael ei chyrraedd ym mhob ardal bwrdd iechyd yn ogystal ag ar lefel Cymru gyfan.

Mewn ymateb i'r pandemig, sefydlwyd trefniadau amgen i sicrhau bod y babanod hynny na allai NBHSW gynnig sgrinio rheolaidd iddynt yn cael cynnig asesiadau clyw drwy wasanaethau NBHSW neu Awdioleg.


3.3 Amseroldeb y profion

Safon 3: $\geq 70\%$ y babanod iach a gafodd eu sgrinio gan y prawf sgrinio cyntaf o fewn wythnos gyntaf oes

Graff 1: Amseroldeb babanod iach sy'n cael eu prawf cyntaf yn yr ysbyty



Graff 2: Amseroldeb babanod iach sy'n cael eu prawf cyntaf yn y gymuned




Cyfartaledd Cymru gyfan ar gyfer babanod iach a gafodd brawf cychwynnol o fewn saith diwrnod i'w genedigaeth mewn unrhyw leoliad yw 75.9%. Mae hyn yn gynydd o 0.7% o gymharu â'r flwyddyn flaenorol.

Roedd pedwar cant a saith o fabanod iach dros chwe wythnos oed cyn eu prawf cychwynnol. Mae hyn yn gynnydd o 332 o fabanod o gymharu â'r flwyddyn flaenorol. Roedd dros hanner y babanod hyn (54.8%) o ardaloedd Bwrdd Iechyd Prifysgol Aneurin Bevan neu Fwrdd Iechyd Prifysgol Caerdydd a'r Fro. Mae unedau mamolaeth yn y byrddau iechyd hyn yn brysur iawn gyda hyd byr arhosiad yn yr ysbyty ar gyfer mamau a babanod iach yn ystod y cyfnod hwn, gan leihau'r cyfle i gynnal y sgrinio cychwynnol yn yr ysbyty. Yn fwy cyffredinol, roedd y rhaglen yn ymdopi â lefelau staffio is yn ystod y cyfnod hwn, yn enwedig yn rhanbarth De-ddwyrain Cymru, gydag absenoldebau staff tymor byr a hirdymor yn gysylltiedig â'r pandemig.

Safon 4: $\geq 90\%$ o fabanod iach sy'n ymuno â'r rhaglen sgrinio yn cwblhau sgrinio o fewn pedair wythnos

Graff 3: Babanod iach a gwblhaodd sgrinio o fewn pedair wythnos



Ledled Cymru, cwblhaodd 93.8% o fabanod iach sgrinio o fewn pedair wythnos a gyrhaeddodd y safon gwasanaeth ond roedd 4.0% yn llai na'r flwyddyn flaenorol. Mae sgrinio wedi'i gwblhau pan fydd y babi'n cael ei ryddhau neu ei atgyfeirio i gael asesiad. Effeithiodd tarfu Covid-19 ar berfformiad yn erbyn y safon hon. Fel y nodwyd yn flaenorol, ar gyfer y rhan fwyaf o fabanod sy'n byw ym Mhowys nid oes cyfle sgrinio mewn ysbyty ac arweiniodd hyn at gyfran uwch o sgrinio nad oedd modd ei gwblhau o gymharu ag ardaloedd eraill.

Roedd mwyafrif y babanod na chwblhaodd sgrinio o fewn pedair wythnos (259 o fabanod) yn cael eu rheoli yn ystod mis Rhagfyr 2020, a oedd yn cyd-daro â straen newydd heintus iawn Covid-19, gan arwain at lai o lefelau staffio ac oedi o ran presenoldeb teuluoedd mewn clinigau.

3.4 Presenoldeb mewn apwyntiadau sgrinio i fabanod iach

Safon 8: $\leq 3\%$ o apwyntiadau sgrinio a gynigiwyd nad aethpwyd iddynt (apwyntiadau nad aethpwyd iddynt yn unig)

Safon 9: $< 1\%$ o apwyntiadau sgrinio a gynigiwyd a wrthodwyd

Tabl 3.i: Presenoldeb babanod iach mewn apwyntiadau sgrinio Cymru gyfan

Lleoliad Sgrinio	Yn bresennol (%)	Nad aethpwyd iddynt (%)	Canslwyd (%)	Gwrthododd y Rhiant (%)	Anhysbys (%)	Cyfanswm
Cymru Gyfan	26491 (94.7%)	498 (1.8%)	831 (3.0%)	153 (0.5%)	2 (0.01%)	27975

Mae'r rhifau wedi'u talgrynnu i 1 lle degol

Mae'r safon ar gyfer apwyntiadau nad aethpwyd iddynt wedi ei chyrhaedd eto eleni ar 1.8%. Roedd y nifer absoliwt o apwyntiadau a gynigiwyd yn is ar gyfer 2020/21 o gymharu â blynyddoedd blaenorol oherwydd yr oedi dros dro mewn gweithgarwch clinigau a gweithredu mesurau diogelwch Covid. Gostyngodd apwyntiadau wedi'u canslo o 4.9% i 3.0% sy'n gyflawniad sylweddol o ystyried y cyd-destun ehangach yr oedd y gwasanaeth yn cael ei ddarparu ynddo. Cyflawnwyd hyn drwy ganolbwyntio'n benodol ar gytuno ar apwyntiadau cyfleus gyda'r rhieni a darparu gwasanaeth atgoffa apwyntiadau gan Sgrinwyr.

Tabl 3.ii: Presenoldeb babanod iach mewn apwyntiadau sgrinio fesul Bwrdd Iechyd

Lleoliad Sgrinio	Yn bresennol (%)	Nad aethpwyd iddynt neu a Ganslwyd (%)	Gwrthododd y Rhiant (%)	Anhysbys (%)	Cyfanswm
Bwrdd Iechyd Prifysgol Aneurin Bevan	94.9%	4.6%	0.5%	-	5423
Bwrdd Iechyd Prifysgol Betsi Cadwaladr	96.5%	3.4%	0.2%	-	6248
Bwrdd Iechyd Prifysgol Caerdydd a'r Fro	95.5%	3.5%	1.1%	-	5476
Bwrdd Iechyd Prifysgol Cwm Taf Morgannwg	93.3%	6.6%	0.2%	0.01%	4653
Bwrdd Iechyd Prifysgol Hywel Dda	92.4%	6.8%	0.8%	-	2885


Bwrdd Iechyd Addysgu Powys	93.1%	6.4%	0.6%	-	535
Bwrdd Iechyd Prifysgol Bae Abertawe	93.9%	5.2%	0.9%	-	2755

Parhaodd nifer y rhieni sy'n gwrthod y prawf sgrinio yn fach iawn er gwaethaf y pandemig.

3.5 Babanod risg uchel sy'n cwblhau sgrinio

Safon 4: $\geq 98\%$ o'r holl fabanod risg uchel a ymunodd â'r rhaglen sgrinio yn cwblhau sgrinio

Graff 4: Babanod risg uchel sy'n cwblhau sgrinio



Cwblhaodd 99.9% o fabanod risg uchel sgrinio.

3.6 Canlyniadau Sgrinio

Safon 10: Rhwng 1 a 2 % o fabanod a sgriniwyd a gafodd eu hatgyfeirio am asesiad

Safon 13: <1 % o fabanod a sgriniwyd a atgyfeiriwyd i awdioleg am ragor o sgrinio (babanod iach ag ymateb clir mewn un glust)

Tabl 4: Canlyniadau sgrinio ar gyfer babanod iach

Lleoliad Sgrinio	Rhyddhawyd	Atgyfeiriwyd am Asesiad	Atgyfeiriwyd i Awdioleg	Atgyfeiriwyd am Brawf Ymddygiadol
Y tu allan i Gymru	95.6%	0.5%	0.3%	2.4%
Bwrdd Iechyd Prifysgol Aneurin Bevan	96.5%	1.1%	0.4%	1.8%
Bwrdd Iechyd Prifysgol Betsi Cadwaladr	96.6%	0.9%	0.8%	1.8%
Bwrdd Iechyd Prifysgol Caerdydd a'r Fro	96.8%	1.4%	0.6%	1.2%
Bwrdd Iechyd Prifysgol Cwm Taf Morgannwg	97.9%	1.1%	0.3%	0.5%
Bwrdd Iechyd Prifysgol Hywel Dda	97.7%	0.8%	0.3%	1.1%
Bwrdd Iechyd Addysgu Powys	96.6%	2.0%	0.0%	1.5%
Bwrdd Iechyd Prifysgol Bae Abertawe	97.7%	0.9%	0.1%	1.0%
Cyfanswm Cymru Gyfan	97.0%	1.1%	0.5%	1.3%

Mae'r rhifau wedi'u talgrynnu i 1 lle degol

Mae'r tabl uchod yn eithrio babanod risg uchel ac felly mae'n dangos bod 1.1% o fabanod iach yn cael eu hatgyfeirio am Asesiad yn dilyn dim ymateb clir dwyochrog. Mae atgyfeiriadau i awdioleg ar gyfer sgrinio arall yn dilyn canlyniad sgrinio clir mewn un glust ar 0.5% yn gyffredinol. Am gyfran sylweddol o'r cyfnod adrodd, tynnodd gwasanaethau awdioleg yr opsiwn ailsginio clir mewn un glust yn ôl, er mwyn darparu capasiti digonol i reoli'r nifer cynyddol o weithgarwch prawf ymddygiadol wedi'i dargedu.

Tabl 5: Canlyniadau sgrinio ar gyfer babanod risg uchel

Lleoliad Sgrinio	Rhyddhawyd	Atgyfeiriwyd am Asesiad	Atgyfeiriwyd am Brawf Ymddygiadol
Y tu allan i Gymru	82.1%	11.9%	6.0%
Bwrdd Iechyd Prifysgol Aneurin Bevan	91.6%	6.4%	2.0%
Bwrdd Iechyd Prifysgol Betsi Cadwaladr	87.8%	9.1%	2.8%
Bwrdd Iechyd Prifysgol Caerdydd a'r Fro	87.7%	11.6%	0.7%
Bwrdd Iechyd Prifysgol Cwm Taf Morgannwg	91.1%	7.3%	1.6%
Bwrdd Iechyd Prifysgol Hywel Dda	93.1%	5.2%	1.7%
Bwrdd Iechyd Addysgu Powys	100.0%	0.0%	0.0%
Bwrdd Iechyd Prifysgol Bae Abertawe	92.3%	7.3%	0.4%
Cyfanswm Cymru Gyfan	90.1%	8.1%	1.8%

Er bod yr atgyfeiriadau cyffredinol ar gyfer asesu yn cyrraedd y safon o 1-2% o fabanod a sgriniwyd, mae, fel y disgwylir, canran uwch o fabanod risg uchel yn cael eu hatgyfeirio i gael asesiad. Mae atgyfeiriadau ar gyfer asesu ar gyfer babanod risg uchel yn cynnwys y rhai heb ymateb clir mewn un glust yn ogystal â'r rhai heb ymateb clir dwyochrog.

3.7 Atgyfeiriadau ar gyfer asesu

Safon 10: Rhwng 1 a 2% o fabanod a sgriniwyd yn cael eu hatgyfeirio ar gyfer asesiad

Tabl 6: Atgyfeiriadau ar gyfer asesu

Lleoliad	Cyfanswm a Sgriniwyd	Atgyfeiriwyd am asesiad	% o Fabanod a Atgyfeiriwyd
Bwrdd Iechyd Prifysgol Aneurin Bevan	5349	90	1.7%
Bwrdd Iechyd Prifysgol Betsi Cadwaladr	5778	81	1.4%
Bwrdd Iechyd Prifysgol Caerdydd a'r Fro	4497	87	1.9%
Bwrdd Iechyd Prifysgol Cwm Taf Morgannwg	3843	71	1.8%
Bwrdd Iechyd Prifysgol Hywel Dda	2812	34	1.2%
Bwrdd Iechyd Addysgu Powys	897	13	1.4%
Bwrdd Iechyd Prifysgol Bae Abertawe	2917	32	1.1%
Cymru Gyfan	26093	408	1.6%

Mae'r dadansoddiad uchod yn seiliedig ar leoliad sgrinio yn hytrach na lleoliad asesu, dylid nodi y bydd rhai babanod yn cael eu hasesu mewn ardal Bwrdd Iechyd gwahanol i'r hyn lle y cawsant eu sgrinio. Roedd 84 o fabanod ychwanegol a atgyfeiriwyd yn uniongyrchol i gael eu hasesu o ganlyniad i benderfyniad meddygol heb gwblhau sgrinio yn gyntaf.

3.8 Presenoldeb mewn apwyntiadau asesu

Safon 11: <10% sy'n cael cynnig apwyntiadau asesu heb fynd i'r apwyntiad (apwyntiadau nad aethpwyd iddynt yn unig)

Mae'r safon hon yn cwmpasu babanod iach a risg uchel.

Tabl 7.i: Presenoldeb Cymru gyfan mewn apwyntiadau asesu (gan gynnwys clinig cymunedol ac ysbyty y tu allan i Gymru)

Bwrdd Iechyd	Aethpwyd	Canslwyd	Gwrthododd y Rhiant	Nad aethpwyd iddynt	Cyfanswm
Cyfanswm Cymru Gyfan	624 (78.5%)	99 (12.5%)	8 (1.0%)	58 (7.3%)	795

Tabl 7.ii: Presenoldeb mewn apwyntiadau asesu yn ôl Bwrdd Iechyd

Bwrdd Iechyd	Aethpwyd	% Nad aethpwyd iddynt
Bwrdd Iechyd Prifysgol Aneurin Bevan	123	9.6%
Bwrdd Iechyd Prifysgol Betsi Cadwaladr	126	9.0%
Bwrdd Iechyd Prifysgol Caerdydd a'r Fro	152	4.1%
Bwrdd Iechyd Prifysgol Cwm Taf Morgannwg	133	10.8%
Bwrdd Iechyd Prifysgol Hywel Dda	51	1.7%
Bwrdd Iechyd Prifysgol Bae Abertawe	35	0.0%

Mae'r safon ar gyfer Cymru gyfan yn cael ei chyrraedd ar 7.3%, sef gwelliant o 1.2% o gymharu â'r flwyddyn flaenorol. Fel mewn blynyddoedd blaenorol, mae amrywioldeb rhwng byrddau iechyd. Mae gwaith yn parhau yn lleol i leihau canran y rhai nad ydynt yn mynd i'r apwyntiadau asesu.

3.9 Yr amser a gymerir i ddechrau a chwblhau asesiadau

Safon 6: $\geq 90\%$ o fabanod iach yn dechrau asesiad o fewn pedair wythnos

Safon 6: $\geq 90\%$ o fabanod risg uchel yn dechrau asesiad o fewn wyth wythnos

Tabl 8: Amser a gymerir i ddechrau asesiad

Lleoliad Asesu	% sy'n Dechrau o fewn Amserlenni Penodol	
	Babanod iach	Babanod risg uchel
Ysbyty y tu allan i Gymru	100.0%	100.0%
Ysbyty Glan Clwyd	100.0%	100.0%
Ysbyty Gwynedd	93.3%	100.0%
Ysbyty Castell-nedd Port Talbot	85.7%	100.0%
Ysbyty Nevill Hall	100.0%	100.0%
Ysbyty Tywysoges Cymru	90.0%	94.1%
Ysbyty Brenhinol Gwent	97.5%	100.0%
Canolfan Blant Serennu	100.0%	100.0%
Ysbyty Singleton	92.9%	100.0%
Ysbyty Athrofaol Cymru	92.4%	100.0%
Ysbyty Cyffredinol Gorllewin Cymru	100.0%	100.0%
Ysbyty Maelor Wrecsam	89.7%	100.0%
Adran Cleifion Allanol Ysbyty Cwm Cynon	100.0%	100.0%
Cyfanswm Cymru Gyfan	95.3%	99.5%

Mae ffigurau Cymru Gyfan yn dangos gostyngiad bach yn y grŵp babanod iach. Mae hyn yn ymwneud â 13 o fabanod lle cafodd yr apwyntiad asesu cychwynol ei oedi.

Safon 7: $\geq 85\%$ o fabanod yn cwblhau asesiad o fewn tri mis (os yw'n briodol)

Safon 12: $< 5\%$ o fabanod a atgyfeiriwyd i gael eu hasesu heb eu gweld

Tabl 9.i: Amser Cymru Gyfan a gymerwyd i gwblhau'r asesiad
Mae'n cynnwys clinigau cymunedol ac ysbytai y tu allan i Gymru

Lleoliad Asesu	Ni aethpwyd erioed	Aethpwyd ond ni aethpwyd i'r prawf terfynol	Heb Gwblhau Eto	Cwblhawyd < 3 Mis	Cwblhawyd 3+ Mis
Cyfanswm Cymru Gyfan	2.8%	1.8%	0.2%	94.5%	0.6%

Mae Safon 7 yn parhau i gael ei chyrraedd ond gyda chynnydd o 5.2% o gymharu â ffigurau'r flwyddyn flaenorol ar gyfer babanod sy'n cwblhau asesiad o fewn tri mis. Roedd gostyngiad o 6.2% yn nifer y babanod a gafodd eu hatgyfeirio ond heb eu gweld. Mae'r newidiadau hyn yn ymwneud ag effaith pandemig Covid-19 yn ystod cyfnodau adrodd 2019-20 a 20-21 (fel y disgrifiwyd yn adran 1.4).

Tabl 9.ii: Amser a gymerir i gwblhau asesiad fesul Ysbyty

Lleoliad Asesu	Ni aethpwyd erioed	Aethpwyd ond ni aethpwyd i'r prawf terfynol	Heb Gwblhau Eto	Cwblhawyd < 3 Mis	Cwblhawyd 3+ Mis
Ysbyty Glan Clwyd	0.0%	7.1%	0.0%	92.9%	0.0%
Ysbyty Gwynedd	3.4%	3.4%	0.0%	93.1%	0.0%
Ysbyty Castell-nedd Port Talbot	0.0%	7.1%	0.0%	92.9%	0.0%
Ysbyty Nevill Hall	8.3%	0.0%	0.0%	91.7%	0.0%
Ysbyty Tywysoges Cymru	3.7%	0.0%	3.7%	88.9%	3.7%
Ysbyty Brenhinol Gwent	5.7%	1.4%	0.0%	92.9%	0.0%
Canolfan Blant Serennu	0.0%	9.1%	0.0%	90.9%	0.0%
Ysbyty Singleton	3.4%	0.0%	0.0%	96.6%	0.0%
Ysbyty Athrofaol Cymru	0.9%	0.9%	0.0%	97.3%	0.9%
Ysbyty Cyffredinol Gorllewin Cymru	0.0%	0.0%	0.0%	100.0%	0.0%

Ysbyty Maelor Wrecsam	3.3%	4.9%	0.0%	90.2%	1.6%
Adran Cleifion Allanol Ysbyty Cwm Cynon	3.3%	0.0%	0.0%	96.7%	0.0%
Ysbyty y tu allan i Gymru	0.0%	0.0%	0.0%	100.0%	0.0%

3.10 Cadarnhau colli clyw

Cyfanswm nifer y babanod a nodwyd â cholli clyw dwyochrog cymedrol neu uwch parhaol yng Nghymru a anwyd rhwng 1 Ebrill 2020 a 31 Mawrth 2021 yw 25. O ran nifer yr achosion, roedd 0.9 fesul 1,000 o fabanod a sgriniwyd.

Tabl 10: Nifer y babanod ag achosion a gadarnhawyd o golli clyw a anwyd rhwng 1 Ebrill 2020 a 31 Mawrth 2021 yn ôl Rhanbarth.

Rhanbarth	Cyfanswm
Gogledd Cymru	2
Canolbarth a Gorllewin Cymru	7
De Cymru	16
Cyfanswm Cymru Gyfan	25

Mae colli clyw a gadarnhawyd fel y'i diffinnir uchod.

Dylid nodi bod rhanbarth De Cymru yn cynnwys dwysedd poblogaeth uchaf rhanbarthau NBHSW.

Mae Tabl 11 yn dangos oedran cyfartalog a chanolrif o ran cadarnhau colli clyw mewn babanod a anwyd rhwng 1 Ebrill 2020 a 31 Mawrth 2021.

Tabl 11: Oedran cadarnhau colli clyw

Bwrdd Iechyd	Cyfartalog (wythnosau)	Canolrif (wythnosau)
Bwrdd Iechyd Prifysgol Aneurin Bevan	6.3	5.7
Bwrdd Iechyd Prifysgol Betsi Cadwaladr	11.2	9.9
Bwrdd Iechyd Prifysgol Caerdydd a'r Fro	6.4	6.4
Bwrdd Iechyd Prifysgol Cwm Taf Morgannwg	14.9	11.0
Bwrdd Iechyd Prifysgol Hywel Dda	4.9	4.9
Bwrdd Iechyd Prifysgol Bae Abertawe	4.9	4.9

Cyfanswm Cymru Gyfan**8.2****7.0**

Mae'r ffigurau hyn yn cael eu heffeithio gan nifer bach o fabanod a nodwyd ym mhob bwrdd iechyd. Gall ffactorau clinigol a chymdeithasol ddylanwadu ar amseru cadarnhau colli clyw a gosod cymorth clyw.

3.11 Gosod cymorth clyw

Oedran cyfartalog a chanolrif gosod cymorth clyw yn ôl Bwrdd Iechyd


Mae Tabl 12 yn dangos oedran cyfartalog a chanolrif gosod cymorth clyw babanod a anwyd rhwng 1 Ebrill 2020 a 31 Mawrth 2021. Mae'r ffigurau hyn yn caniatáu ar gyfer cynamseroldeb.

Tabl 12: Oedran pan osodwyd y cymorth clyw

Bwrdd Iechyd	Cyfartalog (wythnosau)	Canolrif (wythnosau)
Bwrdd Iechyd Prifysgol Aneurin Bevan	8.1	7.4
Bwrdd Iechyd Prifysgol Betsi Cadwaladr	11.9	12.1
Bwrdd Iechyd Prifysgol Caerdydd a'r Fro	8.8	9.0
Bwrdd Iechyd Prifysgol Cwm Taf Morgannwg	16.0	13.3
Bwrdd Iechyd Prifysgol Hywel Dda	25.6	25.6
Bwrdd Iechyd Prifysgol Bae Abertawe	6.9	6.9
Cyfanswm Cymru Gyfan	11.5	9.3

Mae'r ffigurau yn Nhabl 12 yn cael eu heffeithio gan nifer bach o fabanod a nodwyd ym mhob bwrdd iechyd. Gall ffactorau clinigol a chymdeithasol ddylanwadu ar amseru cadarnhau colli clyw a gosod cymorth clyw.

Graff 5: Gosod cymorth clyw o fewn pedair wythnos i nodi colli clyw yn ôl Bwrdd Iechyd ar gyfer 2020 – 2021



Cafodd 96.0% o fabanod yng Nghymru gymorth clyw wedi ei osod o fewn pedair wythnos i'w nodi.

Gall gosod cymorth clyw yn brydlon ar gyfer babanod a nodwyd â cholli clyw gael ei ddylanwadu gan ffactorau clinigol a chymdeithasol ac nid yw bob amser yn adlewyrchu materion o ran darparu gwasanaeth. Yn ystod y cyfnod adrodd hwn, roedd gwasanaethau awdioleg yn destun materion staffio a chyfyngiadau capasiti yn gysylltiedig â'r pandemig.

3.12 Deilliant, Sensitifrwydd, Penodoldeb a Gwerthoedd Rhagfynegol

Mae'r deilliant o'r rhaglen yn nodi bod nifer yr achosion a ganfuwyd yn gysylltiedig â nifer y babanod a sgriniwyd yn 1:799.

Sensitifrwydd y rhaglen yw 90.2% gyda phenodoldeb o 98.8%.

Gwerth rhagfynegol positif y sgrinio yw 9.5%.

Mae hyn yn golygu bod y broses sgrinio wedi gweithio'n dad i nodi'r babanod y mae angen asesiad diagnostig arnynt. Fodd bynnag, gan fod byddardod parhaol dim ond yn effeithio ar nifer bach o fabanod a bydd gan lawer o fabanod hylif dros dro o hyd yn y clustiau ar ôl eu geni, bydd y rhan fwyaf yn cael eu hasesu fel rhai y mae ganddynt glyw boddhaol pan fyddant yn cael prawf diagnostig.

4 Diffiniadau

Mae'r adran hon yn rhoi rhagor o fanylion am y cyfrifiadau a ddefnyddir yn yr adroddiad hwn.

Bwrdd Iechyd

Cymerir data sgrinio o'r system Clyw Babanod Cymru Gyfan. Dyrennir babanod i Fyrddau Iechyd yn seiliedig ar breswylfa, oni nodir bod y lleoliad yn seiliedig ar lle y digwyddodd y sgrinio. Nid ydym yn cadw data ar fan geni.

Babanod cymwys

Babanod a anwyd i famau sy'n preswyllo dros dro neu'n barhaol yng Nghymru ar adeg geni a babanod sy'n symud i Gymru o dan chwe wythnos oed.

Yn addas ar gyfer profi

Mae babanod yn addas ar gyfer profi pan fyddant hwy a'u mam yn iach. Mae babanod sy'n cael eu geni cyn eu hamser yn ddelfrydol yn addas ar gyfer eu profi pan fydd oedran yn ystod beichiogrwydd y baban dros 36 wythnos, ond gellir cynnal profion o 34 wythnos ymlaen.

Canran y rhai a gafodd eu sgrinio

Cyfran y babanod cymwys ac addas sy'n cael eu profi.

Babanod risg uchel

Babanod sydd wedi treulio mwy na 48 awr yn barhaus mewn Uned Gofal Arbennig Babanod/Uned Gofal Dwys i'r Newydd-anedig.

Babanod iach

Pob babi nad yw'n cael ei ddosbarthu fel risg uchel.

Atgyfeirio ar gyfer ailsgrinio mewn Awdioleg

Cais rhieni ar gyfer ailsgrinio yn dilyn canlyniad ymateb clir un glust ar gyfer baban iach wrth gwblhau sgrinio.

Prawf Ymddygiadol wedi'i dargedu

Asesiad clyw i fabanod a gynhelir gan awdiolegwyr ar oedran datblygiadol o naw mis. Cynigir hyn i fabanod nad ydynt yn cwblhau sgrinio nac asesiad, babanod y mae eu rhieni yn gofyn am waith dilynol i faban iach gydag ymateb clir un glust, a babanod sydd wedi nodi ffactorau risg ar gyfer colli clyw.

Deilliant

Nifer y babanod â chanlyniad dilynol sy'n bodloni'r diffiniad o achos targed, fesul 1,000 o fabanod a sgriniwyd. Yr achos targed ar gyfer NBHSW yw colli clyw dwyochrog parhaol ar lefel sy'n uwch na 40 dBHL ar draws yr ystod amled 500Hz, 1KHz, 2kHz a 4KHz.

Sensitifrwydd

Y nifer ag achosion a gadarnhawyd o golli clyw a nodwyd yn gywir fel rhai positif mewn prawf sgrinio.

Penodoldeb

Y nifer a gadarnhawyd heb golli clyw a nodwyd yn gywir fel rhai negyddol mewn prawf sgrinio.

Gwerth Rhagfynegol

Cyfran yr achosion a atgyfeiriwyd yn dilyn prawf sgrinio positif y canfuwyd eu bod wedi colli clyw a bod hyn wedi ei gadarnhau.

5 Tîm Cynhyrchu

Tîm Cynhyrchu:

Jacqui Evans	Rheolwr Sgrinio Babanod, Gogledd Cymru
Hayley Mills	Cydlynnydd Rhaglen, Gogledd Cymru
Jackie Harding	Cydlynnydd Rhaglen, De Cymru
Lara Tompkins	Cydlynnydd Rhaglen, Canolbarth a Gorllewin Cymru
Jude Kay	Pennaeth Rhaglen, Sgrinio Clyw Babanod
Dr Sikha de Souza	Ymgynghorydd Iechyd Cyhoeddus, Sgrinio
Dr Sharon Hillier	Cyfarwyddwr yr Adran Sgrinio
Helen Clayton	Rheolwr Gwasanaethau Gwybodeg a Data
Kate Lilly	Uwch-arbenigwr Gwybodeg a Data
Christie Redman	Uwch-ddadansoddwr Gwybodeg a Data
Rhys George	Cofus Cyf (Cyfieithiad Cymraeg)

Ni chafodd yr adroddiad hwn ei gyhoeddi fel ystadegau swyddogol